

Նախադպրոցական Ուսումնական Հաստատության  
Մանկավարժական Աշխատողների Վերապատրաստում

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ավագ նախադպրոցականի գեղարվեստախոսքային  
(հանդեսներ, տոնակատարություններ)  
մանկավարժական գործունեության պայմանները

Վերապատրաստվող՝ Հռիփսիմե Նուբար Առաքելյան

Շիրակի մարզ, «Բասենի մանկապարտեզ» ՀՈԱԿ

Վերապատրաստող՝ Նարինե Սահակյան

## Բովանդակություն

Ներածություն	3
Տեսական մաս	6
Գլուխ 1	6
1.1 Ազգային տոների և տոնակատարությունների նշանակությունը նախադպրոցական տարիքի երեխաների դաստիարակության և գեղարվեստախոսքային մշակույթի ձևավորման գործում	6
1.2 Հանդեսներ և տոնակատարություններ	10
Գործնական մաս	13
Գլուխ 2 Սուրբ Զատիկի տոնակատարություն	13
Եզրակացություն	17
Գրականության ցանկ	18

## ՆԵՐԱԾՈՒԹՅՈՒՆ

Լեզուն միջոց է, որի օգնությամբ մարդիկ հաղորդակցվում են միմյանց հետ, փոխանակում մտքեր և հասնում փոխադարձ ըմբռման: Երեխան մայրենի լեզվի բանավոր խոսքին տիրապետում է կյանքի առաջին մի քանի տարիներին: Նախադպրոցական մանկության շրջանում երեխայի ամենակարևոր ձեռքբերումներից մեկը մայրենի լեզվին տիրապետելն է: Նախադպրոցական հաստատության խնդիրն է զարգացնել երեխայի խոսքը: Խոսքի զարգացման ընթացքում շրջապատի հետ շփման, հաղորդակցության արդյունքում ձևավորվում են երեխայի խոսքային հաղորդակցման ունակությունները, զարգանում է նրա բանավոր խոսքը: Խոսքի զարգացման մեջ իր առանձնահատուկ տեղն ունի նաև գեղարվեստական խոսքի հետ երեխայի ծանոթացումը՝ որպես երեխայի խոսքի հարստացման աղբյուր: Խոսքի ուսուցումը անահատի ձևավորման, ազգային մշակույթի յուրացման հիմնական տարրերից է, սերտորեն շաղկապված մտավոր, բարոյական, գեղագիտական դաստիարակության հետ: Չպետք է մոռանալ, որ լեզուն մյուս բոլոր բնագավառներից գիտելիքների հաղորդման և տիրապետման միջոց է:

Խաղը երեխայի ամենակարևոր գործունեությունն է: Երբեխան խաղով է ընկալում ինքն իրեն, աշխարհը և շրջապատը: Յուրաքանչյուր իր երեխան կարող է ներկայացնել խաղով ու դերախաղով, ցանկացած գործունեություն վերածել ներկայացման:

Բարեկիրթ խոսքի մշակույթը ոչ միայն ճիշտ, գրական լեզվի և չափանիշներին համապատասխան մակարդակով խոսելու կարողունակությունն է, այլև գեղեցիկ, ներգործող, տպավորիչ հաղորդակցվելու ունակությունը՝ հաշվի առնելով խոսակցին, խոսակցության նպատակը, վայրը և այլն:

Կապակցված խոսքին ներկայացվում են հետևյալ պահանջները.

- ա) խոսելու նյութի մասին գիտելիքների, տեղեկությունների առկայությունը,
- բ) խոսքի կառուցվածքի պարզությունը, մտքերի հետևողականությունը ու հստակությունը,

- գ) թեմայի բացահայտման տրամաբանությունը,
- դ) խոսքի բառամթերքի ճիշտ ընտրությունը և դիպուկությունը,
- ե) արտահայտչամիջոցների ճիշտ ընտրությունը,
- զ) տվյալ լեզվի գրական նորմերին համապատասխանությունը:

Այս համատեքստում շատ կարևոր է նաև ծանոթացում գեղարվեստական գրականության հետ: Ծանոթանալով գիտական ստեղծագործության հետ երեխան ծանոթանում է ժողովրդի մշակութային ավանդույթներին, հասարակության պատմության ընթացքին: Գեղագիտական ստեղծագործությունը երեխաներին ստիպում է ապրել հերոսների կյանքով, հուզվել նրանց հետ, փորձել նմանվել դրական կերպարներին:

Խոսքի արվեստը ստեղծագործությունների միջոցով երեխաների մեջ ձևավորում է ճանաչել իրական կյանքը, մարդկային փոխհարաբերությունները:

Խոսքի հնչյունային կուլտուրայի դաստիարակումը առնչվում է հնչյունների յուրացման և արտաբերման հետ, ինչը նախատեսում է՝

- Խոսքային լսողության զարգացում,
- Ճիշտ հնչարտաբերում
- Խոսքի արտահայտչական միջոցների տիրապետում (ուժգնություն, հնչերանգ, տեմպ):

Խոսքի զարգացման խնդիրների մեջ իր առանձնահատուկ տեղն ունի նաև գեղարվեստական խոսքի հետ երեխայի ծանոթացումը: Այն մեծ նշանակություն ունի երեխայի անձի ձևավորման համար, որպես երեխայի խոսքի հարստացման սկզբնաղբյուր: Գեղարվեստական գրականությունը հարստացնում է բառապաշար, զարգացնում է պատկերավոր խոսքը, գեղագիտական ճաշակը, գեղարվեստախոսքային մշակույթը և նպաստում է բարոյական հասկացությունների ձևավորմանը:

Հետազոտական աշխատանքի նպատակն է տոնակատարությունների և հանդեսների միջոցով զարգացնել երեխաների գեղարվեստախոսքային մշակույթը, ստեղծել առարկայական միջավայր տոնակատարությունները կազմակերպելու համար: Բացահայտել ազգային տոների ու ծեսերի նշանակությունը նախադպրոցական տարիքի երեխաների կրթադաստիարակչական գործընթացում,

դրանց պահպանման և հանրակրթության մաս դարձնելու դրական կողմերը, ինչպես նաև ուսումնասիրել տոներին և ծիսակարգերին նվիրված տեսական գրականությունը, ներդնել երկարամյա մանկավարժական փորձս ի նպաստ երեխաների գեղարվեստախոսքային մշակույթի զարգացմանը, առաջադրել նախադպրոցական տարիքի երեխաների պատկերացումները ազգային մշակույթի, օրացույցային տոներին, տոնակատարություններին, ծեսերին, ավանդույթներին, արվեստի և արհեստների վերաբերյալ խնդիրների լուծման մանկավարժական առանձնահատկությունները:

Հանդեսները դիտարկել, որպես երեխաների ստացած գիտելիքների հավետվություն՝ երեխաների մեջ սերմանելով ազգային մշակույթի կրողը, սկսած գործը մինչև վերջ հասցնելու կարողությունը:

Մեր առջև դրված նպատակներին հասնելու համար սահմանել ենք հետևյալ խնդիրները՝

- Նկարագրել ազգային տոների և ծեսերի նշանակությունը հանրակրթության ոլորտում, ներկայացնել այդ աշխատանքների բարելավման, կատարելագործման հիմնական ուղղությունները,
- Հատուկ կահավորված խմբասենյակում երեխաներին ծանթացնել ազգային մշակութային ակունքներին,
- Իրականացնել «սերունդների խաչմերուկ» ծնող-երեխա-եկեղեցի կապը՝ ծնողներին, հատկապես տատիկ-պապիկներին, ներգրավել ուսումնական գործընթացին,
- Ներկայացնել մանկավարժական այնպիսի պայմաններ, որոնք միտված կլինեն բարձրացնել հետաքրքրությունն ու սերը ազգային մշակույթի, ժողովրդական արվեստի, սովորությունների, ավանդույթների, ծեսերի, ժողովրդական օրացույցային տոներին, ժողովրդական խաղերի, ասիկների, երգերի, գեղարվեստական և գիտական ստեղծագործությունների նկատմամբ:

Հետազոտական աշխատանքը բացի բովանդակային մասից ներառում է նաև փորձարարական մաս, որտեղ ներկայացրել են մեր կողմից իրականացված տոնակատարության /հանդեսի/ օրինակ:

Աշխատանքի ընթացքում կիրառել են հետևյալ մեթոդները.

- Իրավիճակների խաղարկում,
- Դերախաղ,
- Խմբային աշխատանք:

**Գլուխ 1. Ազգային տոների և տոնակատարությունների նշանակությունը նախադպրոցական տարիքի երեխաների դաստիարակության և գեղարվեստախոսքային մշակույթի ձևավորման գործում**

**1.1 Մանկավարժական պայմանները**

Աշխարհի ժողովուրդների նկատմամբ դրական վերաբերմունքը, բազմամշակութային դաստիարակության հիմքերը դրվում են ազգային մեջ համամարդկայինը ընդգծելու միջոցով: Երեխայի բարոյագեղագիտական դաստիարակությունը պետք է իրականացվի համընդհանուր, համամարդկային արժեքների հետ շփման միջոցով: Դրանք բացահայտվում են ազգային մշակույթին, գրականությանը, ավանդույթներին, հերոսական պատմությանը, պարերին, երգերին, առածներին, ասացվածքներին, ժողովրդական բանահյուսությանը երեխային ծանոթացման ընթացքում:

Մշակույթը հասարակության և մարդու պատմական զարգացման որոշակի մակարդակ է, որն արտահայտվում է մարդկանց գործունեության և կյանքի կազմակերպման ձևերով և տիպերով: Հասարակությունն օգտագործում է որոշակի պատմական դարաշրջանների, հասարակական-տնտեսական ֆորմացիաների, կոնկրետ հասարակարգերի, ազգությունների, ազգերի, ինչպես նաև կյանքի և գործունեության առանձնահատուկ եղանակների զարգացման մակարդակը բնութագրելու համար: Մշակույթը կենտրոնական հայեցակարգ է մարդաբանության մեջ և ներառում է այն բոլոր երևույթները, որ սոցիալական ուսուցման միջոցով փոխանցվում են մարդկային հասարակություններում: Մշակույթի փոխանցման ձևերի մեջ կարևոր դեր են զբաղեցնում ավանդույթներն ու ծեսերը:

Ազգային ավանդույթը մշակույթի այն տարրն է, որն առավել պահպանողական է ազգային արժեքների պահպանման գործում:

«Ավանդույթ» հասկացությունը ստուգաբանորեն նշանակում է փոխանցում, հաղորդում (լատիներեն tradition (որպես բայ՝ trader) նշանակում է «փոխանցել»):

Իմաստաբանական նշանակությունը հստակորեն մատնանշում է, որ «ավանդույթ»-ը ամենից առաջ այն է, ինչը ոչ թե անհատի կողմից կամ նրա գործունեության արդյունքում է ստեղծվել այլ փոխանցվել է ուրիշներից և որպես այդպիսին միայն իրեն չի պատկանում:

Այսպիսով ամենալավ ըմբռնմամբ՝ ավանդույթն այն ամենն է, ինչը ժառանգվում է նախնիներից: Ավելի նեղ սահմանման դեպքում ավանդույթը դիտվում է, որպես սոցիալական փորձի (գիտելիք, ապրում, վարքագիծ) կայուն ձևերի ամրագրում արմատավորում փոխանցում և վերարտադրություն: Մեկ այլ դեպքում ավանդույթ համարվում է սոցիալական փորձի պահպանման, փոխանցման, վերարտադրման մեխանիզմը: Ժամանակի փոփոխությունները հաճախ ստիպում են հետին պլանում թողնել մի շարք ազգային տոներ և ծեսեր: Ծեսը մարդու կյանքի ամենակարևոր բաղկացուցիչ մասն է: Յուրաքանչյուր սերունդ և յուրաքանչյուր դարաշրջան արտացոլվում է ծիսատոնական արարողակարգերում և դրանից խուսափելով հանգում ենք ծեսերի վերացմանը:

Ազգային տոների պահպանումը և հանրակրթության մաս դարձնելը ունի մի շարք դրական կողմեր՝

- Երեխաները ծանոթանում են ազգային տոներին, անցկացման կարգին, ծիսական առօրյային,
- Սովորում են ծիսական երգեր, խաղերգեր ու ասիկներ,
- Երգերի միջոցով հաղթահարում են բարբառային դժվարությունները,
- Երեխաները դաստիարակի օգնությամբ ստեղծում են ծիսական միջավայր,
- Մասնակից են դառնում ծիսակարգին,
- Արդյունքում վերականգնվում է տոնն իր ամբողջ ծիսակարգով:

Այդ պատճառով ճիշտ ենք համարում վաղ տարիքից երեխաներին ծանոթացնել ազգային տոներին, նրանց մոտ ավելացնել շրջակա աշխարհի մասին պատկերացումները:

Վաղ տարիքի երեխաները հաճախ են դիտում օտարալեզու մուլտֆիլմեր, հաղորդումներ (Like Nastya Влад и Ники և այլն), որտեղ բացի կենցաղից,

ներկայացնում են նաև իրենց մշակույթը և այդպես այդպես անընդհատ դիտելով այդ, երեխաները իրենց վրա են կրում օտար մշակույթի ազդեցությունը (Halloween, Thanksgiving Day և այլն):

Ուստի խնդիրը հատկապես հրատապ է՝ երեխաների մեջ սեր սերմանել ազգային մշակույթի հանդեպ, նրանց ծանոթացնել նրա ծագմանը, սովորույթներին, ավանդույթներին: Հենց նախադպրոցական տարիքն է այն ժամանակաշրջանը, երբ հնարավոր է իրական անկեղծ ընկղմվել ազգային մշակույթի ակունքներում:

Նախադպրոցական տարիքում երեխաներին ազգային տոներին սկսել ենք ծանոթացնել «Տարվա եղանակները» թեման ուսումնասիրելու ժամանակ՝ կիրառելով խմբային աշխատանքի մեթոդը: Թեմայի ուսուցման ընթացքում երեխաներին բաժանեցինք երեք-չորս խմբի: Յուրաքանչյուր խմբին տվեցինք նկարներով քարտեր (հիմնականում իրենց ծանոթ տոների) պատկերված՝ Ամանոր, Սուրբ Զատիկ, Ծաղկազարդ, Մայրության և գեղեցկության, Անկախության և այլ տոներ:

Հանձնարարվեց երեխաներին ուշադիր ուսումնասիրել քարտերը և յուրաքանչյուր տոն տեղադրել նախապես փակցված պաստառի վրա, որտեղ պատկերված են տարվա չորս եղանակները:

Այսպես կապելով տոնը տարվա եղանակի հետ, ստացանք հետևյալ պատկերը: Ձմռան պատկերով նկարին երեխաները տեղադրեցին Նոր տարին, Սուրբ Ծնունդը, գարնան պատկերով նկարին երեխաները տեղադրեցին Ծաղկազարդը: Ամռան պատկերով նկարին երեխաները տեղադրեցին Վարդավառը, իսկ աշնան պատկերով նկարին տեղադրեցին Տյառնընդառաջը, Անկախության տոնը պատկերած քարտերը:

Այնուհետև երեխաներին ներկայացրեցինք, որ դրանք բոլորը ազգային տոներ են, որոնք ունեն իրենց նշելու նշանակությունը, ժամանակը, և որ ունենք բազմաթիվ ազգային տոներ և ծեսեր, որոնք թեև չեն նշվում, սակայն չեն մոռացվել և որ այդ տոների և ավանդույթների պահպանողն ու շարունակողը, փոխանցողը դեպի տուն և շրջակա աշխարհ իրենք են լինելու: Երեխաները գիտակցում են թե ինչ սեզոնային փոփոխություններ են տեղի ունենում բնության մեջ, ինչպես է փոխվում մարդկանց կյանքը՝ աշնանը կարելի է գնալ բերքահավաքի և կազմակերպել



տոնակատարություն «Բերքի տոն», ձմռանը սահել չմուշկներով, սահնակով և դահուկներով, խաղալ ձնագնդի և տոնել Ամանորը և Սուրբ Ծնունդը:

Տոներն ավարտվում են ավանդական տոնական ուտեստներով՝ հյուրասիրությամբ: Սուրբ Զատիկի համար՝ ներկած ձու, զատկական փլավ, Ամանորին՝ քաղցրավենիք ընդեղեն և այլն: Մեր նպատակն է ծանոթացնել ազգային տոներին, դրանց նշանակությանը, ինչպես նաև երեխաների հիշողության մեջ թողնել ազգային տոների անմոռանալի ուրախությունն ու ջերմությունը, ավելի լավը, բարի դառնալու ցանկությունը:

Կյանքի յուրաքանչյուր շրջանին բնորոշ են տարբեր տոներ, մինչդեռ դրանցից մեկը գալիս է ու գնում, իսկ մյուսները դարեր շարունակ պահպանում են իրենց գոյությունը: Որոշ ազգային տոներ կապված են բնական փոփոխությունների հետ (ձմեռը՝ ճանապարհելը, գարունը՝ դիմավորելը), մյուսները կրոնական օրացույցի (Սուրբ Ծնունդ, Աստվածհայտնություն, Սուրբ Զատիկ, Խաչվերաց, Վերափոխումն Սուրբ Աստվածածնի, Վարդավառ):

Յուրաքանչյուր տոն ունի իր սովորությունները, ավանդույթները և այլն: Դրանք համախմբում են հարազատներին, օգնում մարդուն գիտակցել իր ազգային ինքնությունը:

Թեմայի ուսումնասիրությունը հնարավորություն կտա երեխաներին պարզել, թե իրենց նախնիները ինչ հագուստով են մշակել հողը, ինչ հանդերձանքով են նստել սեղանի շուրջ, և ինչ տարազով են կատարել տոնական արարողությունները:

Աշունը բերքահավաքի և թռչունների հեռանալու ժամանակն է: Մեր նախնիները նշել են աշնանային բազմաթիվ ժողովրդական տոներ, կատարել ծեսեր: Հիմնականում դրանք բոլորը նվիրված էին երախտագիտությանը՝ բերքի համար: Աշնանը Հայ Առաքելական Սուրբ Եկեղեցին տոնում է Խաչվերացի տոնը, որը տաղավար հինգերորդ և վերջին տոնն է: Հիմնական ձմեռային ազգային տոնը Նոր տարին է: Տարվա այս եղանակին նշվում է նաև տաղավար տոներից Սուրբ Ծնունդը և Աստվածհայտնությունը, Տեառնընդառաջը: Տարվա հաջորդ եղանակը գարունն է: Գարնան ամենապայծառ տոներից են՝ Սուրբ Զատիկը, Ծաղկազարդը, Մայրության և գեղեցկության տոնը (Ավետման տոն): Ամռանը տոնում ենք Վարդավառը:

Կատարված պարապմունքների արդյունքով ավագ խմբի երեխաները բավականին շատ պատկերացումներ կազմեցին տոների վերաբերյալ: Իսկ արդեն հանդեսներն ու տոնակատարությունները, որոնք համեմված էին ժողովրդական տոնին բնորոշ երգերով, պարերով, խաղիկներով, գեղարվեստական խոսքով ասիկներով, լայն հնարավորություն ստեղծեցին երեխաների համար, ծանոթանալու ժողովրդական մշակույթի ակունքներին: Սա չափազանց կարևոր է ներկա ժամանակաշրջանում, երբ նյութական արժեքները գերակայում են հոգևոր արժեքներին և խեղաթյուրված են երեխաների պատկերացումները բարության, գթասրտության, առատաձեռնության, արդարության, հայրենասիրության մասին: Այսպիսով, ազգային տոներն օգնում, են երեխաներին զգալ իրենց ժողովրդի մի մասը, սովորել նրա ավանդույթները, զարգացնել ստեղծագործական կարողությունները: Այս տոները պատկերացում են տալիս ժողովրդական հավատալիքների, ավանդական ծեսերի և հայ գյուղացու առօրյայի մասին: Նրանք սովորեցնում են նուրբ վերաբերմունք բնության, իրենց հայրենի հողի, իրենց նախնիների, և ժողովրդի պատմության նկատմամբ:

## **1.2 Հանդեսներ և տոնակատարություններ**

Տոնական հանդեսների և զվարճալիքների կազմակերպումն ու անցկացումը մանկապարտեզում տարվող մանկավարժական աշխատանքների կարևոր մասն է: Նրանց շնորհիվ իրագործվում է երեխաների բարոյական մտավոր, գեղագիտական, աշխատանքային ֆիզիկական դաստիարակության խնդիրները: Տոնական հանդեսների և տոնակատարությունների նախապատրաստումն ու ճիշտ կազմակերպումը մեծապես նպաստում է նախադպրոցական տարիքի երեխաների բարոյական դաստիարակության գործին: Երեխաները համախմբվում են, ապրում ընդհանուր հետաքրքրություններով, նրանց մեջ մշակվում է վարվելակերպի կուլտուրա, կարգապահություն: Մեծ է ժողովրդական ստեղծագործությունների, հայրենիքի, ու բնությանը, աշխատանքին նվիրված երգերի ու բանաստեղծությունների դերը հայրենասիրական ազնիվ զգացմունքների զարգացման գործում: Տոնահանդեսների ու զվարճանքների համար սովորած

երգերը, բանաստեղծությունները ոչ միայն մշակում են գեղարվեստական ճաշակ, այլև օգնում են հաղորդակցվելու տարբեր ազգերի մշակույթին:

Այս ամենը ընդլայնում է երեխաների մտահորիզոնը, զարգացնում է հիշողությունը, երևակայությունը, խոսքը, որն այնքան կարևոր է այդ տարիքի երեխաների համար, նպաստում է նրանց մտավոր զարգացմանը: Տոնական հանդեսների ու զվարճանքների նաժապատրաստումն ու անցկացումը իրագործվում է պլանավորված և պարբերաբար չխանգարելով մանկապարտեզի ընդհանուր աշխատանքներին: Կազմակերպվող ամեն մի տոնական հանդես ու զվարճանք պետք է ունենա որոշակի նպատականուղղվածություն:

Երեխան պետք է զգա ու հասկանա թե ինչի համարն է կազմակերպվում այս կամ այն հանդեսը: Տոնի համար ընտրված նյութերը՝ երգեր, պարեր, բանաստեղծություններ, երաժշտություն, բեմականացում, գեղարվեստական ձևավորում, պետք է արտահայտի տոնի հիմնական իմաստը: Ընտրված նյութը պետք է բավարարեն դաստիարակչական ու ուսուցողական խնդիրներին, ունենան գեղարվեստական արժեք, լինեն մատչելի երեխաների կատարման համար: Կազմակերպված տանակատարությունը ավագ և նախադպրոցական խմբերում կարող են տևել 45-55 րոպե: Տոները կապված են ուրախություն պատճառելու երեխաներին, ուստի ծրագիրն այնպես պետք է կազմել, հանդեսին մասնակցեն բոլոր երեխաները՝ յուրաքանչյուրն ըստ իր կարողությունների: Նախադպրոցական հիմնարկներում հանձնարարվում են նշել հետևյալ տոները՝ ՀՀ-ի Անկախության օրը, Ամանոր, Հարության տոնը, Մայրության և գեղեցկության տոնը, Համբարձման տոնը, Վարդավառը, Ծաղկի տոնը:

Երեխաներին դպրոց ճանապարհելը նշվում է ուրախ ցերեկույթի ձևով: Տոնի նախապատրաստման և անցկացման պատասխանատվությունը ընկնում է ողջ մանկավարժական կոլեկտիվի վրա: Երաժշտական դաստիարակը խմբի դաստիարակի հետ միասին տոնակատարությունից մոտավորապես 1 ամիս առաջ կազմում է ծրագիրը, ընտրված նյութերը ուսուցանվում են համապատասխան պարապմունքներում՝ երաժշտական, մայրենի լեզվի, այպես, որ միջև տոնակատարության օրը դրանք լրիվ յուրացվում են երեխաների կողմից: Տոնակատարությունն անցկացվում է աշխույժ: Տոնի նախապատրաստական

աշխատանքներին կարելի է մասնակից դարձնել նաև ծնողներին: Ամենամեծ պարտականությունն ընկնում է տոնահանդեսը վարողի վրա: Տվյալ դաստիարակը պետք է ունենա բարձր կուլտուրա, պետք է լինի հնարամիտ, ուրախ և լավ գիտենա խմբի երեխաների կարողություններն ու հնարավորությունները, լինի անմիջական շփվող, կարողանա իրեն անկաշկանդ պահել, ստեղծել ջերմ մթնոլորտ: Հաջորդ պարապմունքների ժամանակ կրկնում են տոնական երգերն ու ասիկները, պարում են պարերը: Տոնակատարության նախապատրաստական աշխատանքներում ներգրավվում են նաև երեխաները: Երեխաներին են տրամադրվում տարբեր պարագաներ՝ գլխարկներ, թաշկինակներ, դիմակներ և հնարավորություն ստեղծում որպիսի երեխան ստեղծագործական խաղերի ժամանակ ցույց տա իր սեփական մտահղացումը: Դաստիարակը պետք է լինի մոտիվացնող և քաջալերող և ստեղծի միջավայր երեխաների ստեղծագործական երևակայությունը զարգացնելու համար: Տոնակատարություններին և հանդեսների կազմակերպումը, բացի հետաքրքիր և տպավորիչ լինելուց, զարգացնում է մանր և խոշոր մկանային մոտորիկան, ընդհանուր շարժումային համակարգը, դրանք թատրոնի նման սինթետիկ արվեստ են դառնում, որոնք ինտեգրում են ինչպես երեխայի զարգացման բոլոր ոլորտները, այնպես էլ գործունեության տարբեր ձևեր:

Պարապմունքների ժամանակ կիրառել են հետևյալ մեթոդները.

- Իրավիճակների խաղարկում
- Դերախաղ
- Խմբային աշխատանք

Մեր առջև դրված է խնդիր՝ որոնել ուսուցման այնպիսի մեթոդներ և միջոցներ, որոնց շնորհիվ կկարողանանք լուծել գերխնդիրը, այն է.

1. Երեխան պետք է ոչ միայն սովորի այլ ապրի այդ տոնակատարությունը
2. Մանկապարտեզի տարիներից այն պետք է դառնա նրա կյանքի ու կենցաղի անբաժանելի մասը
3. Երգն ու պարը դառնան ոչ թե սոսկ դաս, այլ իր հույզերն ու զգացմունքները դրսևորելու բնական միջոց
4. Տոնը պետք է ոչ թե բեմադրվի, այլապրվի, որ երեխան ինքը դառնա տոնի, ծեսի, ծիսակատարության ոչ թե հանդիսատես, այլ մասնակից:

Վերը նշված նպատակների իրականացման համար ավագ խմբում կազմակերպվել են մի շարք հանդեսներ ու տոնակատարություններ (Սուրբ Ծնունդ և Աստվածհայտնություն, Հարության տոն, Տյառընդառաջ, Ծաղկազարդ և շատ այլ տոներ):

Սրանցից կառանձնացնեմ Սուրբ Զատիկի տոնին նվիրված միջոցառումը: Միջոցառումանը կենտրոնական տեղ ենք հատկացրել երեխաների հետաքրքրություններին, որը խթանեց երեխաների շահագրգռվածությունն ու հետաքրքրասիրությունը:

Միջացառման ծրագրման ժամանակ հաշվի են առնվել հետևյալը.

- Թեմայի համապատասխանությունը երեխաների հետաքրքրություններին,
- Երեխաների երևակայության և ստեղծագործական մտածողության խթանում,
- Երեխաների համագործակցության և որոշակի պատասխանատվություն կրելու հնարավորության ընձեռում,
- Ստեղծել պայմաններ երեխաների կողմից ձեռք բերված գիտելիքներն և հմտություններն ինքնուրույն արտահայտելու համար
- Գիտելիքների համալրում և փորձ՝ առարկաների, մարդկանց և իրենց շրջապատում տեղի ունեցող իրադարձությունների վերաբերյալ:

## **Գործնական մաս**

Գլուխ 2. Սուրբ Զատիկի տոնակատարություն

Քրիստոնեկան տաղավար տոներից մեկը՝ Զատիկը, մանկապետեզում վերածվում է մի շքեղ հանդիսության: Այն իսկական հայեցի դաստիարակության հրաշալի օրինակ է:

Կարևոր է, որ տոնակատարությունը կազմակերպելիս պահպանվի ծիսակարգը և երեխաներին ընկալելի դառնա դրա բովանդակությունն ու աստվածային խարհուրդը:

Զատիկը հեթանոսական տոն լինելով, հիմնականում բնորոշում է բնության զարթոնքը և բեղմնավորումը: Նոր կյանքի սկիզբը խորհրդանշող ձուն, ինչպես և կենաց ծառը հին հայերը վերնագրում էին մեռնող և հարություն առնող բնության

Աստծուն՝ Արային: Հետագայում այս տոնը քրիստոնեական օրացույցում արժևորվեց և կապվեց Հիսուս Քրիստոսի հարության հետ: Արդեն երկու հազարամյակ քրիստոնյա աշխարհի մարդիկ Սուրբ Չատիկի օրը իրար ավետում են. «Քրիստոս Հայրավ ի Մեռելոց» և լինում է պատասխանը. «Օրհնյալ է Հարությունը Քրիստոսի»: Այս միջոցառման անկացումը տևում է մեկ շաբաթ: Տոնակատարությունը և մեծերի և երեխաների համար է: Դրա հիմնական մասնակիցները դառնում են ծնողներն ու երեխաները

Թեմա – Սուրբ Չատիկ

Նպատակը- Երեխաներին ծանոթացնել մեր ազգային՝ Սուրբ Չատիկի տոնին: Ծանոթացնել տոնի գեղեցիկ սովորություններին, կենցաղային ավանդույթներին, ազգային՝ զուտ հայկական ուտեստների պատրաստմանը և հյուրասիրման տարրերին:

Մասնակից դարձնել ծնողներին՝ հատկապես ավագ տատիկներին:

Երեխաների մեջ դաստիարակել սեր ու հարգանք ազգային տոների և ավանդույթների նկատմամբ:

Ընթացքը- Տոնին նախապատրաստվելու համար երեխաները իմ օգնությամբ մատուցարանների մեջ ցանեցին ցորեն: Դրանց կանաչ ծիլերը օգտագործեցինք սպասք ձևավորելու և ածիկ ձևավորելու համար:

Ավագ երկուշաբթի- Երեխաները պատրաստեցին զատիկի թեմայով բացիկներ, կոլաժներ, նկարում են նկարներ:

Ավագ երեքշաբթի- Զրոսանքի ժամանակ երեխաները մոտակա պուրակից բերեցին ուռենու ճյուղեր՝ տոնական զարդարանքի համար:

Ավագ չորեքշաբթի-Երեխաները մի քանի մայրիկների, իմ և խոհարարի հետ հետճաշիկից հետո խոհանոցում պատրաստեցին հայկական կլոր գաթա, փոխինձ և հալվա:

Ավագ հինգշաբթի-Հետճաշիկից հետո երեխաները մի քանի տատիկների և խոհարարի օգնությամբ թակիչով ծեծեցին ձլած ցորենի ծիլերը, հյութը քամեցին և խառնեցին այլուրի շփոթին և դանդաղ խառնելով եփեցին մեր ավանդական, նախապապերի, նախատատերի սիրած կերակրատեսակներից մեկը՝ ածիկը:

Ավագ ուրբաթ- Մեր ծնողներից մեկի հրավերով երեխաները իմ ուղեկցությամբ կատարեցին այցելություն: Տանը մասնակցեցին խնոցի հարելու արարողությանը:

Արարողության ժամանակ երեխաները երգում էին իրենց սովորած «խնոցի ջան, խնոցի»-ն և ստացած կարագն ու թանը վերցնելով վերադարձան մանկապարտեզ:

Ավագ շաբաթ-Այդ օրը երեխաները ծնողի հրավերով և իմ ուղեկցությամբ այցելեցին հացատուն և ականատես եղան թոնրի մեջ հացի թխման արարողությանը: Նրանք երգում էին «Լավաշ ենք թխում», երգը, ճաշակում հյուրասիրած հացն ու պանիրը: Վերցնելով լավաշները վերադարձան մանկապարտեզ:

Այդ օրը իմ և խոհարարի օգնությամբ սոխի կճեպներով և այլ նյութերով ներկեցինք խաշած ձվերը: Տներ այցելելու արարողությունը հատուկ նպատակ է հետապնդում: Հայտնի է, որ գյուղերում շատ քիչ ընտանիքներում են պահպանվել իսկական խնոցի և թոնիր, դրանք փոխարինվել են ժամակակից սարքավորումներով: Ցանկացա, որ երեխաները տեսնեն հնագույն այդ մասունքները, որովհետև, վաղ թե ուշ դառնալու են հուշ և պատմություն ու կմտնեն թանգարան: Իսկ երեխաների հիշողության մեջ կմնա իրենց նախատատերի աշխատանքային կենցաղը: Թե՛ մեծերը, թե՛ փոքրերը անհամբերության սպասում էին կիրակի օրվան: Այդ օրը՝ Չատիկին, երեխաները ուռենու ճյուղեկով, զատկի թեմայով նկարներով, կոլաժներով, ծնողների և իմ օգնությամբ զարդարեցին մանկապարտեզի դահլիճը և մուտքը:

Սեղանի զուտ հայկական ուտեստներն էին՝ լավաշ, պանիր, խնոցու կարագ, ածիկ, հալվա, գաթա, փոխինձ, բրձով և չամչով փլավ, զամբյուղով գունավոր ձվեր, որոնք դրված էին նախորոք աճեցրած կանաչ խոտի մեջ և հանդիսանում էին օրվա խորհրդանիշ:

Սկսվում է հանդեսը: Երեխաները կազմեցին խաչի տեսարան և արտասանեցին տերունական աղոթքը: Այնուհետև ավետում են. «Քրիստոս Հայրավ ի Մեռելոց»: Հնչում է պատասխանը. «Օրինյալ է Հարությունը Քրիստոսի»: Իմ օգնությամբ վառվեցին լույսերը և մոմերը: Երեխաները արտասանում են, երգում, պարում, ներկայանում փոքրիկ բեմականացմամբ: Բոլոր ելույթներում կարմիր թելի նման անցնում է զատկական թեման: Այնուհետև հաջորդեցին հանելուկները: Դրանց խանդավառությամբ պատասխանում էին նաև տատիկները և ստանում իրենց թոռնիկներից մրցանակները՝ բացիկները: Մեծ ոգևորություն էր տիրում դահլիճում,

մրցակցությանը մասնակցում էին նաև մանկապարտեզի ողջ անձնակազմը: Դրան հաջորդեցին ձվերի խաղը և «քարկտիկ» ազգային խաղը:

Նշեմ նաև, որ հյուր եկավ ակլատիզն իր փետուրներով: Միջոցառման վերջնակետը դարձավ հայկական ժողովրդական պարը, որին մեծ խնդավառությամբ մասնակցեցին տատիկները, բոլոր մեծերը և փոքրերը:

Եզրակացություն- Հրաշալի տրամադրությունք ավարտվեց մեկշաբաթյա միջոցառումը: Այդ ընթացքում երեխան գործեց ազատ, անկաշկանդ, ինքնավստահ, տանտիրոջ իրավունքով: Չէ՛, որ ինքն է մասնակցել բոլոր աշխատանքներին, ինքն է իր տատիկին առաջնորդել, հյուրասիրել, մրցանակ շնորհել:

Երեխայի մեջ ձևավորվեց ինքնագնահատականը, ինքնահաստատման և արժանապատվության զգացումը:

Զատիկի, ինչպես նաև Համբարձման և Վարդավառի տոնակատարությունները սրտամոտ են երեխաներին: Դրանք հայեցի դաստիարակության, կրթության գեղագիտական և բարոյական, ինչու չէ նաև պատմական՝ անցյալը իմանալու, գնահատելու, և սովորելու տեսակետից, հրաշալի դասեր են և հարստացնում են մանկական մաքուր ու ջինջ հոգեաշխահը:





## ԵԶՐԱԿԱՑՈՒԹՅՈՒՆ

Նախադպրոցական տարիքի սաների մոտ ազգային մշակույթի նկատմամբ կայուն հետաքրքրություն ձևավորելու համար անհրաժեշտ է նրանց ծանոթացնել օրացույցային տոներին, ծեսերին, ավանդույթներին, արվեստին և արհեստներին:

Ազգային տոներն օգնում են սաներին զարգացնել ստեղծագործական կարողունակությունները: Այս տոները պատկերացում են տալիս ժողովրդական, հավատալիքների, ավանդական ծեսերի, հայ գյուղացու առօրյայի մասին: Նրանք սովորեցնում են նուրբ վերաբերմունք բնության, իրենց նախնիների և ժողովրդի պատմության նկատմամբ:

Պարապունքները պետք է կազմակերպել այնպես, որ սաները քայլ առ քայլ, համապատասխան միջավայրում արդյունավետ գործունեությամբ իրենց լիարժեք մասնակցությամբ, ձեռք բերած կարողունակությունների, և հմտությունների միջոցով յուրացնեն յուրաքանչյուր ազգային տոն և ծես: Այդ նպատակով անհրաժեշտ է օգտագործել ամեն տեսակի բանահյուսություն (հեքիաթներ, երգեր, մանկական ոտանավորներ, հմայություններ, ասացվածքներ, հանելուկներ, պարեր), քանի որ բանահյուսությունը երեխաների ճանաչողական և բարոյական զարգացման ամենակարևոր աղբյուրն է:

Մանկական ազգային տոներն ու հանդեսները նախադպրոցական տարիքի սաների համար շատ պահանջարկ ունեցող նյութերն են, որոնք զարգացնում են գեղարվեստախոսքային մշակույթը:

Մանկավարժական այս խնդրի հաջող լուծումը պայմանավորված է ամենից առաջ այն մթնոլորտով և զարգացնող միջավայրով, որոնք ստեղծում են դաստիարակները՝ հաշվի առնելով տվյալ խմբի սաների անհատական, հոգեբանական, առանձնահատկությունները և կարիքները:

### ԳՐԱԿԱՆՈՒԹՅԱՆ ՑԱՆԿ

1. Ս. Մարության, Ա. Դալլաքյան, «Նախադպրոցական մանկավարժություն» բուհական դասագիրք: Երևան 2008թ.:
2. Ս. Մարության, «Նախադպրոցականի ինքնուրույն դաստիարակումը միջանձնային հարաբերություններում» Երևան 2008թ.:
3. Հ. Միտոյան, «Ուսումնական ձեռնարկ մանկապարտեզի համար», Երևան 2020թ., էջ 7-10:
4. Ս. Մարության, «Հասակակիցների հետ հաղորդակցման հմտությունների զարգացումը նախադպրոցական տարիքում»:
5. «Նախաշավիղ ամսագիր», 1-2 2004թ.
6. Галигузова Л.Н. «Межличностные отношения от рождения до семи лет», Воронеж 2013г.:

Հանդեսներ և տոնակատարություններ  
Ավագ նախադպրոցական խումբ 2022 թվական



## ԽՈՍՔ

Ուզում եմ շնորհակալություն հայտնել <<Հովակիմյան Գրուպ>>-ին ի դեմս՝ վերապատրաստման ղեկավար տիկին Կարինե Հովակիմյանին, ինչպես նաև ողջ դասախոսական կազմին, սուցաբերած բարձր պրոֆեսիոնալիզմի, համբերատար վերաբերմունքի և իրենց գիտելիքները անմնացորդ վերապատրաստվողներին փոխանցելու համար:

Շնորհակալություն եմ հայտնում նաև երաժշտության դասախոս տիկին Նարինե Սահակյանին, ով իր ողջ ստեղծագործական մտքի շտեմարանը տրամադրեց մեզ՝ տալով նոր գիտելիքներ, նոր մոտեցումներ աշխատանքային պրոցեսում: Դասընթացավարի շնորհիվ սովորեցինք նորամուծություններ պարապունքների ժամանակ: Որոնցից կնշեմ՝ <<Երաժշտական Փազլ>>-ը երկրաչափական պատկերներով երգ-խաղը: Եվ ես ավելի քան վստահ եմ, որ մեր ստացած գիտելիքների կիրառումը աշխատանքային պրոցեսում էլ ավելի արդյունավետ կդարձնի մեր աշխատանքային գործունեությունը և կնպաստի մանկապարտեզի սաների բազմակողմանի զարգացմանը և կարողունակությունների ընդլայնմանը:

Շնորհակալություն Ձեզ՝ բոլորից սիրելի դասախոսներ և կազմակերպիչներ արդյունավետ աշխատանքային գործունեության համար: